

大清高宗純皇帝實錄

大清高宗法天隆運至誠先覺體元立極敷文
奮武孝慈神聖純皇帝實錄卷之一千六

監修總裁官經筵講官太子太傅文淵閣大學士文淵閣領閣事領侍衛內大臣稽察欽奉 上諭事件奏理

吏部理藩院事務正黃旗滿洲都統世襲副都尉軍功加七級隨帶加一級尋常加二級軍功紀錄一次臣慶桂

總裁官經筵講官太子太傅文華殿大學士文淵閣領閣事稽察欽奉 上諭事件度管理刑部戶部三庫事務

世襲副都尉軍功加十九級隨帶加二級又加二級臣董誥內大臣戶部尚書鑲藍旗滿洲副都統軍功紀錄六次

尋常紀錄十四次臣德瑛經筵講官太子少保工部尚書紀錄六次臣曹振鏞等奉 勅修

是歲恭錄古味滿前錄亦錄於此登檢辭

大乾隆四十二年丙申夏四月壬寅朔享雲

太廟遣果郡王永璘恭代行禮。○諭曰：烏雲布係另戶蒙古，身為前鋒，乃敢於行營偷竊布匹，甚屬無恥不堪，僅擬枷責，不足蔽辜。烏雲布著革退前鋒，削除旗籍，插耳箭遊營示衆。交楊景素將烏雲布於行竊之處，枷號兩個月，滿日鞭一百，問徒三年，以示懲儆。烏雲布係前鋒統領努三管轄之人，努三及前鋒叅將領等平日所司何事，俱著交部分別嚴加議處。○又諭曰：英泰現已革職，所有四川建昌

鎮總兵員缺。著交與將軍阿桂於所知軍營
出力人員內揀選一員奏請陞補。現在該鎮
印務著照文綬所請令副將張允師暫行署
理。○諭軍機大臣等據明亮等奏酌籌現留
屯兵請照舊例每日給米一升其加給銀四
錢即可裁去一措。屯兵原非打仗征兵可比
所有加給銀四錢自應節裁即每日給米一
升之處亦暫時籌辦則可將來酌定屯兵永
遠章程自當照例妥議至稱餘下一項目下

太分設營汛各處兵丁砍運木石趕砌碯房尚屬無暇可否俟碯房工竣即行裁撤等語此項留屯兵丁原不應有餘丁若以趕築碯房需用工作人力則屯土兵練等素所熟悉儘可役使即云此時兵丁無暇或資餘丁之力亦當定立限期或半月或數月示以節制嚴行督催一俟工竣即行裁撤庶不致久延糜帑著將此傳諭明亮等知之○是日御舟駐蹕王老口馬頭水營○癸卯以平定兩金川

遣官告祭

天。

地。

太廟。

大社。

大稷。

上詣

皇太后御舟問安。

諭曰。戶部尚書已令豐昇
額補授。現在凱旋到任後。英廉即不兼署戶

部。但戶部事務較繁。且現有川省軍需報銷。皇諸案叢集。不可無熟手經理。豐昇額初莅戶部。未能即諳。袁守侗亦習於吏部而未習戶部。大學士于敏中。又須隨往熱河。戶部舊堂大官。祇金簡一人留京。伊在部尚未及二年。且大僚侍郎。自不若英廉之練習。英廉此時未便遽離戶部。豐昇額回京後。且不必赴戶部任事。所有戶部尚書事務。仍著英廉兼署。俟川省軍務奏銷事竣。再令豐昇額接辦戶部。英

廉專辦刑部事務。福隆安亦應隨往熱河。兵部尚書事務著豐昇額署理。○又諭曰。富德之子二等侍衛富哈善著革職。等交刑部監禁。○諭軍機大臣等。據劉浩等奏寶源局監督鄭源燾呈稱。行用錢文間有缺邊漏風之弊。查係該局鑪頭任應舉。顧寧及穿錢匠常官等無心混入。請交刑部嚴審一摺。所奏殊未明悉。京城行使錢文。係寶泉寶源兩局之錢並用。何以知寶源局有缺邊漏風之錢。即

或因錢文清字可辨。是以查辦。但此等錢文。俱經該監督驗明。方能出局。鑪頭等攙和情弊。在局時。鄭源燾尚不能詳悉查明。及出局行使以後。何由知有情弊。遽行查辦。其中必另有發覺別情。鄭源燾知事不可掩。始行檢舉塞責。劉浩等此奏。未免代為迴護。若該部嚴行查明。據實具奏。再竇泉局錢文。較竇源局多三分之二。今工局既有缺邊漏風之錢。戶局豈能獨無。金簡現管戶部錢法堂事務。

曾否辨及著金簡將實在情形即行查明據
實覆奏將此一併傳諭知之尋刑部奏此案
因鄭源燾在錢鋪換錢揀出缺邊漏風二十
餘文疑是曾經記過之工匠撓入其實無可
根尋現貯局錢亦無此弊但平日不能細驗
咎實難辭應將監督鄭源燾撤出寶源局仍
交部嚴議得旨此事管理錢法堂侍郎亦難
辭咎著交部一併察議餘依議又金簡奏寶
泉局向設四廠鼓鑄稍不如法隨時將監督

等嚴飭。現無滋弊之處。報聞。○又諭曰。英廉
奏。湖北民入江榮周。在京呈控。沔陽州土隄
衝潰多年。未經修築一案。已將江榮周。交部
解赴湖北。聽候查辦。著劉墉。於查審安徽事
竣。即就近前赴湖北。會同陳輝祖。秉公查勘。
此項隄土。雖係民修。但關係皖田數百萬畝。
豈可聽其經久不行葺治。若其中有業戶民
即應令其出貲。上緊趕築。倘或民力實有不
能。亦當官為設法借給。按年扣還。俾隄險衛

田以資久遠之利。不宜因循坐視。致良田多年歉收。劉墉等務將實在情形。確查妥議具奏。至江榮周本身止有田百畝。因何遠涉赴控。恐不免有藉端斂費情弊。並著一并查明具奏。英廉摺鈔寄一分。並江榮周呈詞原圖。寄交劉墉閱看。○轉吏部右侍郎劉秉恬為左侍郎。○是日。御舟駐蹕五里堡水營。○甲辰。諭軍機大臣等。據英廉奏。步軍校拏獲寧津縣民婦郭孫氏。攜帶幼童福壽。用鐵釘穿

透肥頰。恃強化緣。一案已交刑部審究矣。閱
摺內所訊供詞。郭孫氏毀傷肢體惡化。已非
良善之人。且在錦州。曾入邪教。犯案逃籍。其
義母謝氏。及馬老道。尼僧龍宮等。皆係一教
之人。當時即應從嚴根究。何以僅將該犯婦
逃籍安插完結。若傳諭弘晌。富察善等。查該
州從前曾否詳報。及該將軍。府尹。因何不行
具奏之處。據實覆奏。並將供內之謝氏。馬老
道。尼僧龍宮等。拘拿到案。嚴究邪教源委。及

傳習之人逐一嚴訊具奏。並將所訊供詞咨
明在京刑部。即可據供質訊。以省往來提解
之煩。此旨著由五百里傳諭弘晌。富察善等
即行查覆。英廉摺並鈔寄閱看。并諭在京刑
部知之。○予故協辦大學士吏部尚書官保
祭葬如例。諡文勤。○是日御舟駐蹕劉家灣
水營。○乙巳。簡當蘇麻喇等重罪。刑部奏用
上詣。奏聞。著。請。旨。來。富。辦。味。類。賞。無。罪。兩。不。過
皇太后御舟問安。○諭。據。舒。赫。德。等。奏。稱。查。抄

皇富德家產。將伊家人。俱交刑部審明。取供一
上并奏聞等語。看來富德扣取賞號銀兩。入已
等款。已皆屬實。富德前後重罪。朕復施恩。用
為參贊大臣。遣往軍營。伊不知感激。反行此
卑鄙無恥之事。實屬喪盡天良。有負朕恩。斷
難輕宥。富德所行之事。伊子富哈善。自無不
知。現既將富哈善革職。交部。伊家人如有不
能細知之事。即嚴審富哈善。務必究出確情。
不可稍涉姑息。至富德家人穆特布。趙亮。供

詞內稱。現在抄出緞三十餘匹。皆係相識之
人饋送。並非官物。此亦難信。恐亦係軍營賞
天緞。藉端入己者。亦著詳悉研審具奏。再現隨
富德家人趙清。盡知此案備細。已降旨隆安
將趙清等解送京。俟趙清解到時。舒赫德等
即歸案詳細質訊。○是日。御舟駐蹕朱官屯
水營。○丙午。諭軍機大臣等。昨駐博平縣朱
官屯水營。密雨竟夜。雖未能十分霑足。當此
久盼甘霽之時。於二麥早禾。亦殊有益。不識

昨晚之兩京師曾溼露否。著諭詢留京辦事
王大臣。即行據實覆奏。○又諭上平曾令將
軍等將攻得兩金川地方。所有形勢最險
惡。經我兵艱難力戰而得者。將士等勞績尤
多。均應繪畫得勝圖。以彰武成盛典。今已據
阿桂節次繪畫進呈。而明亮一路亦有地當
險要。經官兵力攻而得。如宜喜達爾圖等處
自應一體繪畫。著傳諭明亮逐一查明。繪圖
貼說呈覽。○以戶部左侍郎福康安兼鑲黃